

增廣
靈驗

驗方新編

上海錦章圖書局
印行

肩部 肋部 勞傷 飲食 蟲疾 前陰

吐血 滯積

手部 心部 哮喘 噎膈 鼓脹 小便

腋部 肺部 脾胃 呃逆 脇部 淋症

乳部 各種 痰疾 肚腹 背部 遺精

癰

胸部 咳嗽 三消 痞積 腰部

(二)

增廣驗方新編卷二目錄

肩部

擔肩癰癤

肩甲縫中積痛

手部

蛇頭惡毒

生各指頭又足趾頭生者亦是

脫骨疽

甲疽 又名截甲

灌甲初起

油灰指甲

指頭麻木痛癢

指頭畏冷

手足指頭羅紋生瘡

指頭生瘡

指甲下生瘡

十指節斷壞惟有筋連蟲出長數尺遍身綠毛

虎口並各手指縫生瘡或腫或爛痛不可忍

手了指痛不可忍

手指觸着衣服 痛癢

手指斷落

手被咬傷

手指及掌生黃白膿泡痛癢無時纏綿不已

手指手掌皮厚如鐵

掌中紅絲斷之血流不止

手足心中忽然腫起或痛或不痛或爛或不爛

鵝掌風

手腕生物如丘紅紫疼痛

手臂生瘡腫大如拳

熱毒攻手腫痛欲脫

四肢節脫 但有皮連不能舉動

手足作痛

手足生瘡久不收口

小兒手軟

腋部 腋下即是

腋下腫硬形如鴨蛋

腋下疔瘡 音隔答

腋下癭瘤

腋下狐臭

乳部

乳頭破裂

乳上濕瘡

乳頭生瘡痛不可忍

乳癰

乳癰 多至二三

乳癰腫及頭面

乳癰日久腫痛不愈

乳癰久不收口

乳岩

男子乳 忽生腫如婦人乳

婦人乳忽縮入

婦人產後兩乳長細垂下

婦人乳內吹氣有聲

婦人乳汁不通

婦人乳孔塞痛

乳汁自流不止

乳多發脹

無子食乳腫痛難消

胸部

胸膈閉結不通

胸滿腹脹

胸前生孔

胸旁生瘡

龜胸

肋部

肋下生瘡久則有聲如嬰兒啼哭

增廣驗方新編卷二

肩部

擔肩癰痛

性五倍子

燒存為細末

加黃丹

飛過

醋調敷之甚效

又方

取蠟毒各方治之

肩甲縫中積痛

查中風筋骨各方治之

手部

蛇頭惡毒

生各指頭又足趾更痛

此症初起痛甚急用頭髮扎住指根取癰蝦蟆一個

日赤腹無入破去腸雖破不可

指更痛

將瘡頭套住用繩紮好並將蝦蟆心肝焙枯研末冲酒服以免毒氣攻心約一對時破口出膿而愈

套住之後瘡頭猶如針刺痛更難忍甚至心中難過遍身發熱或嘔吐惡心不必驚慌急服護心散

或服麻油一盞亦可菜子油心自安定蝦蟆能拔極重惡毒切不可輕易揭去忌耐片時自然破口出膿而愈倘

誤將蝦蟆揭去別藥難醫為害不小去膿後如發昏暈亦不必驚慌用高麗參三四錢以砂礮煮濃汁服之

自然無事參不宜蒸一時蒸不出汁其色則如淡金煎則其色濃厚易見功效無力者用好參一二兩煎服

亦可愈後若再腫痛此毒氣未盡之故再用蝦蟆套上少頃膿盡即不再發此瘡最為陰惡此方極屬神效

不可輕視

又方

鳳仙花

下半截連根用不用水洗

和甜酒糟搗融敷有人指頭生瘡腫大如李痛不可忍用此敷之

半日腫消痛止此較蝦蟆方尤為神速

又方

用磁片將瘡刺破查照疔瘡方內蜘蛛拔毒治之

止痛消腫最為神效

又方

蜈蚣

枯猪胆調搽神效

又方

雞蛋一個穿一小孔入信石一分套指

頭上熱則再換立刻止痛如神

真仙方也較前各方功效更大

又方

雄黃

枯礬

各等分研末用麻

油或醋敷亦極效驗

又方

白蘿蔔挖孔入雄黃三分蒸半熟套指頭或用真烏梅仁嚼爛敷之均極效

驗

又方

如色白者

照後脫骨痛陽和湯各方治之

又方

雞子清

磨雄黃敷之

又方

陳棉雞黃敷

脫骨疽

此症生手足各指

或云生手足第四指者是

或生指頭或生指節指縫初生或白色痛極或如粟米起一黃泡其

皮或如煮熟紅囊黑色不退久則潰爛節節脫落延至手足背腐爛黑陷痛不可忍古方有截去指頭一法

斷不可用宜用頂大甘草斫極細末用香麻油調敷要敷極厚一日一換不可間斷忌食發物不出十日

必愈真神方也再用 金銀花 元參各三 當歸二兩甘草一兩水煎服一連十劑永無後患藥味不可減

少減則不效並忌抓擦為要○又方 大人用陽和湯小兒用小金湯重則用犀黃丸均見陰 蛇頭瘻毒方治之此林屋山人百發百中之方也○又方 甘草嚼融厚敷乾則隨換日夜不斷數日必愈神效

甲疽又名 凡指甲邊生一赤肉突出時常舉發者甲疽也用狼毒一兩黃芪二兩醋浸一宿入猪油五兩 微

火上煎取二兩絞去渣退火氣敷之日換三次神效此林屋山人方也○又方 乳香 麝香 研細時時

敷之此病須剔去甲不藥亦愈若已成瘡久不愈者此方甚妙○又方 皂礬五錢火焙 先以鹽湯洗瘡拭

乾以礬末敷之舊細裏定一日一換神效或用枯礬亦可惟敷之微覺疼痛○又方 陳皮濃煎湯浸良久

甲肉自相離開輕手剪去肉中爪甲外用蛇退燒灰雄黃一錢為末乾搽或香油調敷○又方 輕粉 乳

香 沒藥各一錢 黃丹二錢 赤石脂 五錢 寒水石三錢 共為末濕則乾搽乾則油調最妙○又方 甘草嚼融

厚敷乾則隨換數日全愈神效○又方 見頭部頭角太陽生瘡方

灌甲初起 用磁鋒於甲上刮去一層並用枯礬末敷之其效如神

油灰指甲 每日取鳳仙花又名指 連根蒂葉搗數指甲上用布包好一日一換月餘乃愈此林屋山人方也

指頭麻木痛癢 取蛇蚶查藥物備 和銀硃共搗擦之若延遲不治必生蛇頭蛙節等疔痛苦難受初起多擦幾遍決不

指頭畏冷 天氣不寒指尖作冷名曰螺瘡用醋和鹽調勻將指泡入自愈

手足指頭羅紋生瘡 生橄欖核有鹽者煮切 兩段醋磨雞毛蘸搽二十日後漸消

指節生瘡 名曰蛙節生黃豆嚼融敷口內 即愈

指甲下生瘡 名曰蛙甲治與上蛙節同

十指節斷壞惟有筋連蟲出長數尺遍身綠毛 此名血餘症用 赤茯苓 白茯苓 胡黃連各錢 煎服

虎口並各手指縫生瘡或腫或爛痛不可忍若不早治即爛入手天指二指間為 生蒲公英挺融敷之數日

即愈○又方 生黃豆嚼融敷將口漱淨再嚼甚效○又方 通草為末用雞蛋清調敷其腫即消○又方

白芷 滑石 黃丹各等分研極細末敷之神效

手了枝痛不可忍 通草研末生雞蛋白調敷即愈

手指縫觸着絨角痛癢破爛 雖癢極難受 斷斷不可抓擦務必忍住並忌沾水數日自好倘一經抓擦衣角

則纏綿難愈用 白芷 黃丹 滑石各等分研極細末敷之神效或用玉真散 見跌打損傷門敷之亦

極效

手指斷落 方見卷十三跌打損傷門。

手被咬傷 方見卷十三人畜蛇蟲咬傷門。

手指及掌生黃白膿泡痛癢無時纏綿不已內必有蟲 豬肝切片和桃葉槌融敷之神效或用白油膏見腿

貼之更妙

手指手掌皮厚如鐵 苦參酒煎服外用苦參末酒敷極效如神

掌中紅絲斷之血流不止用燈火燒之自能漸收平愈

手足心中忽然腫起或痛或不痛或爛或不爛 此名穿掌又曰擊疽又曰托盤用生附子切片貼之或用生

附子煎水泡之更妙數日後不痛者必然作痛作癢切不可用手抓仍用附子切片加輕粉一分貼之必愈

○又方 白鹽 花椒末等分醋和敷之未破者極效已破者勿用○又方 澹雞糞敷之或用鮮桑葉搗敷

均極效如腫而不甚紅又不甚痛者照卷十一陰疽各方治之為要

驚掌風 生手掌上紫白斑點叠起白皮堅硬乾燥甚則叠疊脫皮血肉外露或癢或痛久則成癰難愈用一

大碗以紙緊糊碗口稀上用針上鋪細米糠二三寸厚手鋪熾炭放糠上緩緩燒之燒至離紙三分光景將

炭與糠一并棄去不可將碗口刺破多孔取碗中糠油時時搽之數日斷根屢試神效有人患此筋肉現露十餘年不愈照

此醫痊永不復發○又方 真小磨油一兩紅砒一錢紙燒穿敲細入油煎至砒枯烟盡為度去砒留油冷透火氣

用火烘油擦三五次十日即愈血寒者最宜此林屋山人極驗方也○又方 鉛彈子二個如核大每日在手內

搓弄搓熱將鉛彈子握緊晝夜不歇如此十餘日即愈愈後再搓一二月則不復發

手碗生物如豆紅紫疼痛 治法見卷十一癰毒門葡萄瘡內

手臂生瘡腫大如拳 以小刀略破其皮或用癰毒門代刀散敷之即破 真礪砂 上水片各一輕粉五厘為末搽之即化為水而愈矣

熱毒攻手腫痛欲脫 猪油和羊糞塗之或水煮馬糞洗之

四肢節脫但有皮連不能舉動名曰筋解 黃蘆 酒浸一夜焙乾研末每服二錢酒調下頗效

手足作痛 手足痛人以為脾經之熱不知非脾也乃肝木之鬱結也散其鬱氣則手足之痛自去用逍遙散

見諸方內外備加梔子三錢製半夏 白芥子各二錢水煎服二劑其痛若失蓋肝木作祟則脾不敢當其鋒氣散

於四肢結而不伸所以作痛令一旦平其肝氣而脾氣自舒脾舒而痛在手足有不盡除者乎

手足生瘡久不收口 取大路口多人撒尿木板爛成白色者以炭火煨化研細末加水片少許搽之即愈或

照癰毒門瘡不收口諸方治之

小兒手軟 薏仁 當歸 秦艽 酸棗仁 防風 羌活各五錢共為末蜜丸艾實大劑芥湯送下

新增不二散米駱方拔萃 治手足患毒橫紋區處並蛇頭眼腹等症拔毒去腐如神幸勿泛視

雄精四錢上藥兩味共研細末臨用看症輕重酌量同雄豬胆汁調和敷患上或生指頭將藥入猪胆套在

指上加乾加胆汁不二散立刻止痛套三四次即潰潰後搽前藥膏蓋即拔膿去腐再上生肌桃花八寶散

收功忌開刀開即翻花綿延難愈灸即痛苦異常萬勿用生降拔提之藥倘誤用致橫肉吊空腫脹寔難收

口此醫治失宜反增痛苦耳慎之慎之初起用飛龍奪命丹一二服汗之汗之未愈內宜服仙方活命飲外

用不二散此余應手治法也

新增誤斷指頭 用降香細末搽之包以絲線七日即痊不可落水冒風親試有驗米駱方拔萃

腋部肩下即是

腋下腫硬形如鴨蛋 色紅者照癰毒各方治之皮色不變者照陰疽各方治之

腋下疔瘡音隔答 如豆如米或麻或痛恐是疔瘡查疔瘡門辨別治之

腋下癭瘤 治法見癭瘤門

腋下狐臭 用蒸餅一個劈作兩片。放蜜陀僧細末一二錢急夾在腋下。略睡片時候冷棄去。如係一腋狐臭

只用一片夾之有人患此二十餘年。照治斷根屢試不爽。又方 頂大蜘蛛一個或用小蜘蛛亦可黃泥包好

火內燒紅取出候冷。去泥加輕粉一錢共研末。日搽數次。輕者二日即愈。重則三四日必斷根。較前方簡便

神驗百發百中。○又方 蜜陀僧 潮腦各四兩枯白礬二兩 輕粉三錢。右為細末。頻擦兩腋。擦之半月見效

不可間斷。半年全愈。○又方 麝香一分 胆礬二分 水粉三分 取田螺二個。將雷音此方極效起開。以各藥入螺中。過

一夜。螺肉即化為水。將水擦腋下。其臭從大便出。宜理土內。恐人聞。則頭眩暈也。此方極效

乳部

乳頭破裂 胭脂和蛤粉用水敷調。○又方 雞屎白炒研。每服一錢。酒送下。三服即愈。

乳上濕瘡又方 芫麻炒焦 研末 燈油調敷 男女乳上濕瘡。膿血淋漓。成片痛痒不休。此名火草瘡。用蜂殼五錢輕粉五分水

片一分。共研末。用銀花煎湯調搽。兩三次。結痂收功。或照癰毒門濕瘡黃水瘡各方治之。

乳上生瘡痛不可忍 生鹿角三分 生甘草一分 共研末。用雞子黃一個入藥攪勻。置銅器中。灸溫敷之。日二

次即愈。神驗非常。

乳癰紅腫疼痛者是 男女皆有此症 妙白芷 梨乳香 梨沒藥製法見藥法要門 歸身 各等分。研末。每服五錢。酒送一

服全消。如已潰爛。用醃消丸酒送一服。以上其痛外貼洞天膏。自愈如色白者。照流注治法。倘潰爛不堪者

以洞天救苦丹。按法與服。七日後接服大棗丸收功。此林屋山人秘法也。醒消諸方。見癰毒門。○又方 生蒲

公英搗爛。沖酒服渣。敷乳上。略睡片時。數次即愈。此為乳癰聖藥。屢著神奇。不可輕視。○又方 豆腐店掉

上做豆腐淋下之水。一桶入鍋熬乾成膏。冷透火氣。厚敷之。乾即再敷。乳上結塊自消。五七次必愈。屢試神

驗。有人借貸五百金。無力歸還。以此方神效奉贈。後試之。果驗。人稱之五百金方。此方雖治乳癰。既稱乳上

結塊自消。則乳岩似亦可治。○又方 並治乳吹 葱連根搗爛敷上。用瓦罐盛炭火蓋葱上。一時蒸熟。出

而神效。即愈 乳癰多至二三百頭者 柳樹根刮去皮搗爛。蒸熟布包熨之。冷則隨換。過一宿即愈。此孫真人千金方也。
上海錦章書局石印

乳癰腫及頭面 照卷十五瘟疫門大頭瘟蛇方治之其效如神

乳癰日久腫痛不愈 蝦醬用好醋蒸熟敷之諸藥不效者治之奇效

乳癰久不收口 用茅屋上陳年舊茅草剪尾一束研末加頂上梅花水

乳岩男女皆有此症 此症乳内生一小粒初如豆大漸大如塊如棗如圍棋子不癢不痛至一年後或二三年急宜

早治遲則難愈初生用犀黃丸每服三錢酒送十服全愈或以陽和湯加土貝五錢煎服數日可消倘候貼

膏藥必漸腫大內作一抽之痛已覺遲治皮色變異難已挽回勉以陽和湯日服或以犀黃丸日服或二藥

每日早晚輪服服至自破而痛者外用大蟾脚蟾六隻每日早晚取一隻破腹刺多孔連腸雜去臍貼於患

口以拔其毒一日一換連貼數日若爛孔深大須將蟾腹雜腸填孔每日用葱湯溫洗一次內服千金托裏

散三日後即服犀黃丸可救十中三四乳岩最不易治此方極為穩妥古來名方皆不及此若破後不痛而

瘡極者無一毫挽回大忌開刀開則翻花最慘萬無一活一婦兩乳皆患乳岩兩載如桂圓大從未醫治因

子死悲哭形大如盃以五通犀黃丸每日早晚輪服九日全消又一男子亦患乳岩因用鯽魚膏貼上兩日

發大如拳色紅令其揭下與服陽和湯四劑倘色轉白可救色若仍紅無救矣四日患色仍紅哀懇求治以

犀黃丸陽和湯輪服至十六日四處皆消獨瘡頭破爛用蟾拔毒之法半月收功又一婦患亦相同其弟以

夏枯草花粉連翹橘葉等藥連服五劑號痛不絕余視白色已變微紅難以全消即用肉桂炮薑麻黃加二

陳湯煎服服下痛止瘡亦縮小連服數劑瘡頂不痛而破貼陽和解凝膏收功此屋林山人治驗秘法也犀

黃丸諸方見陰疽方又方已潰爛者用洞天救苦丹見癰毒方每服三錢陳酒送下隔兩日一服數日膿盡收功

神效或用陽和解凝膏貼之或用蝦蟇散見同方或照上蝦蟇拔毒之法俱詳又方如初起者用夏枯

草 蒲公英 漏蘆 橘葉 雄鼠糞兩頭尖者 甘菊 貝母 紫花地丁 山慈姑 連翹 白芷 小蓟

仁 炙甘草 廣皮 茜根 乳香 沒藥 銀花各二錢研末另用夏枯草散膏和勻為丸如梧桐子

大每服五錢滾水送下至重二服全消屢試神驗此王晉三經驗方也價廉易製實寒之家最宜

男子乳忽癰腫如婦人乳 金銀花 蒲公英 各一花 粉 白芥子 各五錢 製附子 木通 各一錢 柴胡 二錢 白芍

通草 梔子 茯苓 各三 水煎服

婦人乳忽縮入 急用兩手緊緊抓住取公雞一隻約重十兩內外連毛破開 真麝香錢入雞肚內上即愈

婦人產後兩乳伸長細小如腸垂過小腹痛不可忍 川芎 當歸 各四 瓦器煎水時時服之另用 川芎

當歸 各一切大塊於爐內慢火燒烟安病人面前燎下務使烟氣不絕令伏棹上將口鼻及兩乳常吸烟氣

如藥盡未痊仍如前法煎服燒薰必安如藥已用過二料兩乳雖縮上而不復舊用冷水磨蔥麻子一粒塗

頭頂心候乳縮即時洗去

婦人乳吹時時吹氣有聲 硃砂筆寫子丑寅卯辰巳午未申酉戌亥等字於本婦所戴簪上之字不寫戴之

即愈於初起時用之最妙 又方 照上乳癰葱葉法治之

婦人乳孔塞痛 參看婦人科產後 用核桃肉數顆搗碎滾酒冲服即愈

婦人乳汁不通 貝母 知母 牡蠣粉 各等分為末用猪蹄湯調服二錢即通此秘方也 又方 鮮蝦

一 船 去皮鬚足用肉不拘多少淨磁器內搗爛陳酒熱服盡量飲之少時有乳再用猪蹄湯飲之日飲幾次

乳如湧泉效驗如神但蝦止服一次猪蹄湯可以長服 又方 內服前藥外用木梳梳乳周回百餘遍即通

乳汁自流不止 此虛極也宜服十全大補湯見內外備 或請名醫調理

乳多發脹 紅花 歸尾 赤芍 牛膝 各一 煎服即愈

無子食乳腫痛難消 麥芽 炒 兩 川芎 一錢 當歸 白芍 錢三 生地 二錢 煎服即愈 又方 麥芽 炒 一兩 煎水

當茶服即止 又方 用木夫穿過包脚布敷乳過夜腫痛消止而愈 或本婦現穿之鞋 已乳上過夜亦消

乳起結核 乳起結核久之防成乳岩初起並不疼痛最惡之症每日用山茂菇一錢胡桃肉三枚共搗酒送

服以散為度否則變患莫測

胸部

胸膈閉結不通 按之極痛或通而復結氣喘煩燥狂亂而熱極者取生蚯蚓又名 四條洗淨研如泥入生薑

汁薄荷汁 各一 茶挑 蜂蛰 蠶 井水調服若熱甚者加真梅花冰片一二分服再揉心下片時汗出而愈神效如

曾黃金 斤 扁 集 卷二 胸部 助部 上海錦章書局石印

因寒熱痰痞水食結胸者照卷十四傷寒門葱薑豉法最妙如因飲食結滯結胸者查卷四飲食結滯門治

法治之若痰氣結胸
查後痰疾各方治之

胸滿腹脹 此脾土衰弱肝木氣旺木來剋土故也甚至身面黃腫亦有不黃腫者用蒼朮二兩淘米水泡一

甜酒麴四兩燒存性皂礬一斤醋泡過乾加平胃散共為末醋為丸如梧子大每服三四十丸酒下亦可日服兩

次神效此仙方也

胸前生孔 有人胸生一孔咳嗽則與此孔相應者隨膿血而出此肺痿也用 當參 生黃芪 金銀花

錢當歸三錢生甘草連翹各錢半官桂一錢煎服數次自愈

胸旁生瘡 凡大人小兒胸間兩旁各生紅白瘰泡濕爛疼癢每處直長一條連生十餘個不等名曰簾珠倒

掛久則難治諸藥不效用端午日人家簷口所挂菖蒲連根葉切碎瓦上焙枯研末香油調搽五六次即愈

屢試屢效

龜胸 龜尿時時擦之久久自平龜尿難得以鏡對龜照之尿自出也

肋部

肋下生瘡久則有聲如嬰兒啼哭 此名淵疽症百藥難效惟用 隔蒜灸法見癰毒通治門在兩小腿陽陵泉穴在

膝下外連一寸以腿各燒七下或十四下即愈如不見效色紅者照癰毒方治皮色不變者照陰疽方治

餘膿有一窩即是

心部

心氣疼痛

心痛喉腫閉目不語

心氣怔忡

心胸煩滿

水停心中有聲如雷口眼歪斜不省人事

心膈脹飽腹中又飢又痛

心中饑雜似辣非辣似餓非餓似痛非痛得食暫止或兼噯氣或兼惡心

一切寒熱痰痞水食結心胸

心下堅大如碗邊如盤

心疼忽長肉二條手不近心口生疽

心窩成漏

肺部

肺癰

各種氣痛

心胃氣痛

香鬱散

銀黃散

薑附散

失笑散

腎氣上衝心痛

走注氣痛忽有一處如打撲之狀

痛不可忍走注不定靜時其處冷如霜雪

心胃蟲疾作痛

酒食凝滯攻衝作痛或有形或無形鄉人稱為穿心箭痛

咳嗽

胸膈脹滿咳嗽不安

咳嗽痰喘

咳嗽氣喘

咳嗽氣喘遇寒即發

諸癰咳嗽

肺虛咳嗽

肺痿咳嗽

咳嗽痰血

寒咳

熱咳

咳嗽嗆逆落枕即發

年久咳嗽

咳嗽嗆逆

久嗽連至四五十聲者

年老久嗽不能卧

咳嗽聲啞

小兒晝夜咳嗽食少髮黃

勞傷吐血

勞症諸方

吐血治法

咳血

咯血痰帶血絲

驗癆蟲法

炙癆蟲法

治癆蟲法

童子癆新增咳嗽帶血不止

哮喘喉內有聲而氣喘者是

治哮喘妙法

新增哮喘各方

增廣驗方新編卷三

心部 與胸及脾胃各部參看

心氣疼痛 方見後各種氣痛門

心痛喉腫閉目不語 方見咽喉門

心氣怔忡 龍眼核桂一折即去黑皮長流水煮極爛加大黑棗一斤去核搗爛如泥為丸每晨淡鹽湯送下三錢即愈○又方 焦白朮時時煎服極效有人心忡百藥不效後一名醫云是脾虛常服白朮自愈試之果

效白朮多食橫中滯氣惟用荷葉包裏久蒸或用蜜炙則可服也○又方 積猪心關制猪心熟切片蘸真

硃砂少飯後食之三五次即愈硃砂不可多服○又方 白蓮肉去皮煮食久之自愈

心胸煩滿 一人心胸煩滿兩年不愈後服 雄黃五錢並飲清油半碗吐出一蟲而愈

水停心中有聲如雷口眼歪斜不省人事 胆礬一分為末溫甜酒送下以吐盡痰為度○又一婦人心胸脹

悶口流涎沫自言心中有聲如雷亦服此藥吐出一蟲斷之乃一髮也○又一人患此服胆礬不效後服

雄黃五錢清油半碗吐出一蟲而愈

心膈飽脹腹中又飢又痛 胡椒七粒研末好酒冲服即愈

心中餽雜似辣非辣似餓非餓似痛非痛得食暫止或兼噁氣或兼惡心 乃火動其氣也 焦朮四兩川連

五錢橘紅一兩共為末神麴煮汁為丸如菜豆大每服五十丸食連薑湯下五粒○又方 猪護心油蒸糯米食之

即愈

一切寒熱痰痞水食結住心胸 見傷寒門葱薑熨法

心下堅大如碗邊如旋盤 此乃氣分因飲水所結也用 白朮四錢枳實二錢煎服

心痛忽長肉一條手不可近 此腎火也 真礬砂 真梅花冰片各一點之立化為水內服六味地黃丸二

料全愈並用吳萸研末醋調敷兩足心過一晝夜一換敷至數日為止

心口生疽 此名井泉疽又名慢心銳毒初起若心口內有塊漸大心口發高毒陷即死醫皆縮手諸書亦無

上海錦章書局石印

藥治之法惟余家秘集載以本人兩手十指以線量其長短共有若干積於一線放喉管正中處環至背脊之中看兩線合攏盡頭處為中穴又以本人中指之中一節用竹片量準作一寸放在中穴之左右各遠一寸各以墨記分立三穴如金形樣每穴用艾三團一齊火灸灸畢全愈此林屋山人秘方也

肺癰

肺癰又名肺疽與咳嗽門參看

諸患易識獨肺中患毒難知有人秘傳兩腳骨疼痛者或腳骨不痛而舌下生如細豆一

粒者再心口之上內微痛或兩脇微痛及咳嗽口渴喉乾此皆肺中生毒之證也即用甘草桔梗各三錢煎

服服下如覺稍安肺之患毒無疑矣以犀黃丸見陰疽方服至一料全愈此是預識預治百無一死世人但知腳

痛醫脚咳嗽醫嗽舌下一粒便以刀刺且此一粒癰未成膿定然色淡癰愈亦消重則其色紫黑如用刀刺

立害諸書皆云口吐臭痰胸中發腥作痛者肺癰也又稱症有三不治時吐臭痰久如硬米飯者不治嘔膿

不止者不治白面變赤者不治惟嘔而膿自出者易治治之之藥惟地黃保生歸脾等湯軀服而已並無預

知早治之法直至吐臭痰發腥始知肺癰猶小舟飄入大洋也此等立論安可為後學津梁余每見此症吐

膿色白者用犀黃丸治無不效貧寒不能治藥者用陳年醃芥菜酒每早取半杯用豆腐漿沖服服後胸中

一塊塞上塞下塞之數次吐出惡濃數日膿盡自愈神效凡患此症者終身戒食鴨蛋白鰲紅蘿蔔石首魚

着甲魚食則復發難治此林屋山人秘法也○又肺癰腸癰皆吐臭痰用棉花捲竹片上蘸油點火使本人

觀之若肺癰看火頭是二個腸癰火頭只一個○又方 薏苡仁各炒為末糯米湯調服或煮粥或水服當下膿

血而安○又方 竹葉絞汁一盞服之吐出膿血自愈○又方 元參半斤天冬四兩桔梗二兩炙草一

水十碗煎至二碗另加 蒲公英 金銀花各五錢再煎煎至一碗食後即服初起即消日久即愈極效無比

○又方 生芪炒 白芨 銀花 桔梗各一錢 茨仁五錢 貝母一錢 陳皮 甘草各二錢 甜葶藶炒入生

薑一片水貳鐘煎半食後徐徐服初起者去黃芩加防風一錢久不愈者加槿樹皮一錢未成即消已成即

潰已潰即愈其效如神

肺癰葶藶湯數劑即愈神效 葶藶湯方 老葶藶即蘆根最老者去節一兩 汶仁三錢 絲瓜瓣即絲瓜子三錢 碎單桃仁去皮火

水二碗煎一碗服早晚各服一劑甚效
各種氣痛

心胃氣痛 真沉香 木香 公丁香 乳香 沒藥 靈脂 前胡以上各錢 真麝香一分 共研為末收入磁

瓶以蠟封口不可洩氣每服七分開水下此方專治男女心胃各種氣痛有氣痛滴水入口即吐者有痛極難忍抓破衣物者服之即愈神效非常百無一失如不見效即是蟲痛照後蟲積各方治之

香鬱散 此方得自仙傳凡各項心胃氣痛服之止痛如神有人照此方送藥數十年無不應手奏效 青皮

橘子一百香附一斤鬱金四兩先將橘子鋪大蒸籠內常眼朝上用新布墊底再將香鬱二味研末摻入於

挨晚時蓋好蒸極透熟每橘蒂眼上放生薑一薄片薑片上加艾絨一小團將艾燒燃燒過另換薑艾連燒

三次晒過一天次晚再蒸接連蒸晒九次每蒸一次照前法連燒三次無日晒即風吹亦可製好用磁器收

貯每服連橘蒂藥共一錢用水煎一服共煎兩三次宜於冬天配製以免霉壞

銀華散 專治心胃寒痛年久者三次斷根並治寒痧及肚腹寒痛屢試如神百發百中 銀硝半斤 黃丹飛

二兩用大銀窩銀店碗放炭火上大要火又將銀硝放窩內用銅筷不住手順攪不可逆再將黃丹分作數次

加入銀硝即化為水攪至半個時辰硝丹合為一色傾入冷水內俟冷定取出研細磁瓶收貯埋地下一月

拔去火毒每用五分體弱者用三分滾燒酒冲服如不知氣痛是寒是熱先服胡椒末其痛略緩者是寒然

後再服此方必對症也

良附散 良薑酒炒 香附醋炒 共為末米湯為丸每服三四錢食遠服凡心胃一切氣痛立止如神因寒而痛

者良薑加倍用因氣而痛者香附加倍用有人心胃疼痛十數年不愈服此除根○又方 失笑散 五靈

脂三錢蒲黃二錢各炒研末好醋煮透加水連渣服凡男婦老少心腹胸肋疼痛血作痛小腹疝氣脚氣及胎

前產後血崩血暈一切氣痛屢用皆效真神方也○又方 專治肝氣 夏枯草一兩煎水肝虛者加瘦猪

當茶飲服過三四兩斷根此藥能舒氣養肝風故能奏效如神屢試屢驗而本草不言其能治肝病何哉又

酒調下。各種氣痛其效如神。歌曰。草葉元胡索五靈脂沒藥酒調服三錢一似手拈卻。○又方 良薑 川

朴薑汁炒 五靈脂各等分。研末每服一錢。滾醋調下。神效○又方 丹參 一兩 檀香 砂仁 各一水煎服即愈

婦人更效。○又方 元胡索末 三錢 酒下。極效。有人因蓄麪滯氣心胸痛不可忍大便不通百藥入口即吐

後服此藥而愈。又一老人下痢腹痛將死棺木已備亦服此藥而愈。凡氣痛諸藥不效者服此方必效。○又

方 生地黃搗爛取汁冷服甚效。有人心胃疼痛百藥不效後用此方吐出一蟲而愈。又一入服此泄下一

蟲斷根。○又方 醋泡過大蒜頭二三年食數顆立刻止痛。或用生蒜頭煮食亦可。○又方 凡氣痛急切

無藥以食鹽一撮放刀口上炭火燒紅淬入水中乘熱飲之即愈。後戒食腳魚。○又方 照鼻部 鼻血

第一方 燒少商穴法即愈

腎氣上衝心痛 方見前陰門

走注氣痛忽有一處如打撲之狀痛不可忍走注不定靜時其處冷如霜雪 此因暴寒所傷用 楊柳白皮

酒煮布色乘熱熨之有赤點處刺出血更妙。凡諸急痛熨之皆止。

心胃蟲疾作痛 或滴水入口即吐或口渴飲水不止或吐清水者皆是用 葱白汁一杯飲下隨飲真小磨

油一杯少頃即愈。蟲當化水除根雖痛至牙閉欲死者亦效。○又方 真川椒 真烏梅 生薑煎湯服即

愈。○又方 病發時用艾葉十張揉碎在銅器內炒乾不住手用將鹽酒要豆腐店內半小酒杯傾入候焙

乾倒出研末用熱燒酒一盃送下俟腹內作响或降氣或吐出清水即愈 此藥須現製現服隔夜即不效

服後戒茶與葷腥三日愈後每逢初一十六日用淡鹽湯喫一服永不再發其神效無比也。○又方 白蟬

一名淡煮飽食三五次即愈此魚最能殺蟲故也

酒食凝滯攻衝作痛或有形或無形鄉人稱為穿心箭痛方書無所稽考法宜宣通血絡 用川棟子去核酒

元胡索 五靈脂 桃仁去皮蒲黃 各一水煎服其效如神此葉天士先生方也

胃脘隱痛 胃脘一點隱痛喜按多年不愈用快氣溫胃殺蟲諸治不效者乃肝鬱不伸胃土受剋久則胃中